



辯中邊論頌一卷

場

弥勒菩薩說

三藏法師玄奘奉詔譯

辯相品第一

唯相障真實及修諸對治 即此修分位
 得果无上乘 虛妄分別有 於此二都無
 此中唯有空 於彼亦有此 故說一切法
 非空非不空 有無及有故 是則契中道
 識生變似義 有情我及了 此境實非有
 境无故識無 虛妄分別性 由此義得成
 非實有全无 許滅解脫故 唯所執依他
 及圓成實性 境故分別故 及二空故說
 依識有所得 境無所得生 依境无所得
 識无所得生 由識有得性 亦成無所得
 故知二有得 无得性平等 三界心心所
 是虛妄分別 唯了境名心 亦別名心所
 一則名緣識 第二名受者 此中能受用
 分別推心所 覆障及安立 將道攝圓滿
 三分別受用 引起并連縛 現前苦果故
 唯此惱世間 三二七雜染 由虛妄分別
 諸相及異門 義老別成立 應知二空性
 略說唯由此 无二有無故 非有亦非無

非異亦非一 是說為空相 略說空異門
 謂真如實際 无相勝義性 法界等應知
 由无變無倒 相滅聖智境 及諸聖法因
 異門義如次 此雜染清淨 由有垢无垢
 如來界全空 淨故許為淨 能食及所食
 此依身所住 能見如此理 所求二淨空
 為常益有情 為不捨生死 為善无窮盡
 故觀此為空 為種性清淨 為得諸相好
 為淨諸佛法 故菩薩觀空 補特伽羅法
 實性俱非有 此无性有性 故別立二空
 此若無雜染 一切應自脫 此若无清淨
 功用應无果 非染非不染 非淨非不淨
 心性本淨故 由客塵所染

辯障品第二

具分及一分 增減與平等 於生死取捨
 說障二種性 九種煩惱相 謂愛等九結
 初二障狀捨 餘七障直見 謂能障身見
 彼事滅道實 利養恭敬等 遠離遍知故
 無加行非處 不如理不生 不起正思惟
 資糧未圓滿 闕種性善友 心極疲厭性
 及闕於正行 鄙惡者同居 倒處重三餘
 般若未成就 及本性嚴重 懈怠放逸性
 著有著資財 及心性下劣 不信无勝解

如言而取義 輕法重名利 於有情无悲
 匱聞及少聞 不修治妙定 善菩提攝受
 有慧无乱障 迴向不怖懼 自在名善等
 如是善等十 各有前三障 於覺分度地
 有別障應知 於事不善巧 懈怠定滅二
 不植贏劣性 見塵重過失 障富貴善趣
 不捨諸有情 於失德減增 令趣入解脫
 障施等諸善 无盡亦無間 所作善決定
 受用法成熟 遍行與取勝 勝派及无攝
 相續無差別 無雜染清淨 種種法无別
 及不增不減 并无分別等 四自在依義
 於斯十法界 有不染无明 障十地功德
 故說為十障 已說諸煩惱 及諸所知障
 許此二盡故 一切障解脫
 辯真實品第三
 真實唯有十 謂根本與相 无顛倒因果
 及極細真實 極成淨所行 攝受并差別
 十善巧真實 皆為除我見 許於三自性
 唯一常非有 一有而不真 一有无真實
 於法數取趣 及所取能取 有非有性中
 增益損減見 知此故不轉 是名真實相
 無性與生滅 垢淨三无常 所取及事相
 和合苦三種 空亦有三種 謂无異自性

无相及異相 自相三無我 如次四三種
 依根本真實 苦三相已說 集亦有三種
 謂習氣等起 及相未離繫 自性二不生
 垢寂二三滅 遍知及永斷 證得三道諦
 應知世俗諦 差別有三種 謂假行顯了
 如次依本三 勝義諦亦三 謂義得正行
 依本一无變 無倒二圓實 世極成依一
 理極成依三 淨所行有二 依一圓成實
 名遍計所執 相分別依他 真如及正智
 圓成實所攝 流轉與安立 邪行依初二
 實相唯識淨 正行依後一 於蓋等我見
 執一因受者 作者自在轉 增上義及常
 雜染清淨依 觀縛解者性 此所執分別
 法性義在彼 非一及捨略 分段義名蓋
 能所取彼取 種子義名界 能受所了境
 用門義名處 緣起義於因 果用无增減
 於非愛愛淨 俱生及勝主 得行不自在
 是處非處義 根於取住續 用二淨增上
 因果已未用 是世義應知 受及愛資糧
 彼所因諸行 二寂滅對治 是諦義應知
 由功德過失 及无分別智 依他自出離
 是乘義應知 有為无為義 謂若假若因
 若相若寂靜 若彼所觀義

辯修對治品第四
 以嚴重愛因 我事无迷故 為入四聖諦
 修念住應知 已遍知障治 一切種差別
 為遠離修集 勤修四正斷 依住堪能性
 為一切事成 滅除五過失 勤修八斷行
 懈怠忘聖言 及昏沉掉舉 不作行作行
 是五失應知 為斷除懈怠 修欲勤信安
 即所依能依 及所因能果 為除餘四失
 修念智思捨 記言覺沉掉 伏行滅等流
 已種順解脫 復修五增上 謂欲行不怠
 不散乱思擇 即損障名力 因果立次第
 順决擇二二 在五根五力 覺支略有五
 謂所依自性 出離并利益 及三无染支
 由因緣所依 自性義差別 故輕安定捨
 說為无染支 分別及誨示 令他信有三
 對治障亦三 故道支成八 表見戒遠離
 令他深信受 對治本隨惑 及自在障故
 有倒順无倒 無倒有倒隨 無倒无倒隨
 是修治差別 菩薩所修習 由所緣作意
 證得殊勝故 與二乘差別
 辯修分位品第五
 所說修對治 分位有十八 謂因入行果
 作無作殊勝 上无上解行 入出離記說

辯中邊論頌 第七

灌頂及證得勝利成所作 應知法界中
略有三分位 不淨淨不淨 清淨隨所應
依前諸位中 所有差別相 隨所應建立
諸補特伽羅

辯得果品第六

器說為異熟力是彼增上 愛樂增長淨
如次即五果 復略說餘果 後後初數習
究竟順障滅 離勝上无上
辯無上乘品第七

總由三无上 說為无上乘 謂正行所緣
及修證無上 正行有六種 謂取勝作意
隨法離二邊 差別无差別 取勝有十二
謂廣大長時 依處及无盡 無間无難性
自在攝發起 得等流究竟 由斯說十度
名波羅蜜多 十波羅蜜多 謂施戒安忍
精進定般若 方便願力智 饒益不害受
增德能入脫 无盡常起定 受用成熟他
菩薩以三慧 恒思惟大乘 如所施設法
名作意正行 此增長善界 入義及事成
此助伴應知 即十種法行 謂書寫供養
施他聽披讀 受持正開演 諷誦及思修
行十法行者 獲福聚无量 勝故無盡故
由攝他不息 隨法行二種 謂諸无散乱

辯中邊論頌 第七

无顛倒轉變 諸菩薩應知 出定於境流
味沉掉矯示 我執心下劣 諸智者應知
智見於文義 作意及不動 二相染淨客
無怖高无倒 智但由相應 串習或翻此
有義及非有 是於文無倒 似二性顯現

如現實非有 知離有非有 是於義无倒
於作意無倒 知彼言熏習 言作於彼像
現似二因故 於不動无倒 謂知義非有
非無如幻等 有无不動故 於自相無倒
知一切唯名 離一切分別 依勝義自相
以離真法界 无別有一法 故通達此者
於共相無倒 知顛倒作意 未滅及已滅
於法界雜染 清淨無顛倒 知法界本性
清淨如虛空 故染淨非主 是於客无倒
有情法无故 染淨性俱無 知此无怖高
是於二無倒 異性與一性 外道及聲聞
增益損減邊 有情法各二 所治及能治
常住與斷滅 所取能取邊 染淨二三種
分別二邊性 應知復有七 謂有非有邊
所能寂怖畏 所能取正邪 有用并无用
不起及時等 是分別二邊 差別无差別
應知於十地 十波羅蜜多 增上等修集
所緣謂安界 所能立住持 印內持通達

辯中邊論頌 第八

增證運寂勝 修證謂无闕 不毀動圓滿
起堅固調柔 不住無障息 此論辯中邊
深密堅實義 廣大一切義 除諸不吉祥

辯中邊論頌

辯中邊論頌一卷

校勘記

- 一 底本，金藏廣勝寺本。
- 一 五五六頁中一行「一卷」，**資**、**磧**、**磧**、**南**、**經**、**清**無。
- 一 五五六頁中三行「三藏」，**資**、**磧**、**磧**、**南**、**經**、**清**作「唐三藏」。
- 一 五五六頁下五行「如來」，**資**、**磧**、**磧**、**南**、**清**、**麗**作「如水」。
- 一 五五六頁下六行「如此」，**資**、**磧**、**磧**、**南**、**經**、**清**作「此如」。
- 一 五五六頁下一八行第五字「寶」，**資**、**磧**、**磧**、**南**、**經**、**清**作「寶」。
- 一 五五六頁下一八行「恭敬」，**資**、**磧**、**磧**、**南**、**經**、**清**作「供敬」。
- 一 五五六頁下二二行「成就」，**資**、**磧**、**磧**、**南**、**經**、**清**作「成熟」。
- 一 五五七頁上五行「定滅」，諸本（不含**石**。）作「定滅」。
- 一 五五七頁上九行第一三字「及」，**資**、**磧**、**磧**、**南**、**經**、**清**作「入」。

- 一 五五七頁上一九行首字「唯」，**資**、**磧**、**磧**、**南**作「有」。
- 一 五五七頁中一七行「於非」，**資**、**磧**、**磧**、**南**、**經**、**清**作「非於」。
- 一 五五七頁中一九行「受及愛」，**資**、**磧**、**磧**、**南**、**經**、**清**作「愛及受」；**麗**作「受及受」。
- 一 五五七頁中二〇行第六字「二」，**資**、**磧**、**磧**、**南**、**經**、**清**作「三」。
- 一 五五八頁上一九行「作意」，**經**作「正意」。
- 一 五五八頁中末行「住持」，**資**、**磧**、**磧**、**南**、**經**、**清**、**麗**作「任持」。
- 一 五五八頁下末行末字「頌」，**資**作「頌一卷」。